

Handwritten signature or scribble at the top of the page.

②

Handwritten signature or scribble.

Handwritten text.

Handwritten signature or scribble.

Handwritten text.

Handwritten signature or scribble.

Handwritten signature or scribble.

Handwritten text.

Handwritten signature or scribble.

Handwritten signature or scribble.

Handwritten signature or scribble.

Handwritten signature or scribble.

Handwritten signature or scribble.



# აზიისაკენ

ქართული ხელოვნება „მკვდარ წერტილს“ ჯერ ვერ გადასცდენია. ძველი, მიტოვებული დატყვევებული დატყვევებული ფიგურა. ღრმად ჩაიფარებით, და გარინდებულად ოდნავ და გვესმის ალექსანდრე ქავჭავაძის თარის კენესა.

ქართული ხელოვნების დაცლადიერებულ დარბაზს აღარავინ სდარაჯობს. მხოლოდ „ვილა“ ფრაკით შეიჭრა შიგ და კედლებიდან ხალიჩები ჩამოხსნა. ჩვენი სულის უგზობის დროს, ეს „ვილა“ ფრაკით მოგვევლინა და იკისრა გზის გაკვლევა. მზეს ზურგი შეგვეპყვეინა. იმ „ვილას“ ჯერ აღმოცერად შეხედეს, შემდეგ ექვიანობა გაოცებამ შესცვალა. გრ. ორბელიანმა, ქართულ ხელოვნების მოხუცმა ადიუტანტმა, სცადა ამ „ვილას“ შემოშენება, მკვახეთაც შეუძახა, მაგრამ „ვილაცამ“ ფრაკით—აჯობა. შემდეგ შეიჩვივნენ კიდევ. დღეს ის „ვილაცა“ ფრაკში ყველამ შეიყვარა თითქმის.

და ქართულ ხელოვნებას, რომელსაც ქართულობა აღარაში ეტყობა, ის „ვილა“ უშლის „რაღაც“ პერსპექტივებს. „ობა“— „იზმით“ კარგა ხანია შეიცვალა, და ასე აპირებენ განგრძობას. ყველა ევროპიულობის ციებ-ციხელებამ შეიპყრო. ყველას უნდა ბინოკლის შეფერვა. თუმც ეს გავერობილება, გარუსებას უფრო ჰგავდა, რაც უარესია. სენი მძლავრი აღმოჩნდა. იმდენად მძლავრი, რომ გავების უნარი დაგვიკარგა. მაგალითად: თვალაქრულ ევროპამ, მანიაკურ ექსტაზის დროს ახიელობა რომ ველურობის სინონიმად გამოაცხადა, ის „ვილაცა“ აპლოდისმენტებით შეხვდა. გავერობილებამ ასინოზის ხასიათი მიიღო.

ევროპამ შეგვშალა და აღბად წაგვშლის კიდევ, თუ ასე გაგრძელდა. აზიაში მყოფნი, ევროპიდან უმზერდით აზიას. მიტომ ჩავეიქრა შემოქმედება, მკვდარ მიმბაძელობამ კი დაგვასწულა.

ასე იყო და არის. ასე ვეღარ გაგრძელდება. კმარა, გვეყოფა!

დადგა დრო მიმოხედვის და მოფიქრებისა. „ვილა“ რომ მოვიდა და დაებატონა ჩვენს ხელოვნებას, ის „ვილაცა“ უნდა წავიდეს. თან უნდა წაიღოს ის ბინოკლიც, რომელიც ევროპას დიდად გვაჩვენებდა და აზიას პატარად. აზიას ისევ აზიის მთებიდან უნდა გადახედვა, თუნდ იალბუზის და ყაზბეგის გიგანტურ კოშკებიდან. მხოლოდ დიდ სიმალიდან გამოჩნდება აღმოსავლეთის რთული და ღირსსაცნობი ცხოვეტება, ხან მღელვარე და ფიცხი, ხან მდორი და ქანცმოლეული, ხან მზესავით გულ-ლია და მოცეკვავე, ხან კავკასიონივით პირ-ქუში და ღრუბლიანი.

ევროპის უდიდესი რომანტიკოსები, გეტეს მთავარ-სარდლობით, ფიქრით მაინც აღმოსავლეთისკენ მოემართებოდნენ. ჩვენი პატარა „ვილა“—ეები კი, გარბოდნენ აქედან თავ-ჩალუნულნი. მაგრამ ახალი თაობა ისევ აზიის შარა გზას უნდა გაუღდეს.

აქეთ არის შოთას სასახლე, რუმის ლურჯი ბალი და ჰაფიზის მინარეთი. აქ ისმის ჩვენი ძველი მონასტრების ზარის რეკა, დერვიშების მონოტონური გალობა და მუეზინების ყივილი მეჩეთის სიმალიდან.

აქ არის ქვეყანა მოგვებისა, მისნებისა, ბრამანებისა, მუტრიბებისა. და განა ცოტა რამის მოქმედნი არიან არაბეთის დახურულ გალერეებით შემოვლებული ჰარამხანები, მარმარილოს შადრევნები და თვით ცხელი უდაბნოებიც კი.

განა სპარსეთ-არაბეთის თავ-დავიწყების სამღეთო როკვა განცდათა სიღრმეს არ ამჟღავნებენ? შექერ-ღების სენსუალიზმი განა მთელ ევროპას არ აოცებს? განაგის ნაპირებიდან არ წამოვიდა ის მაგიური ბინდი, რომელშიც იმალებოდა საშინელი, ფანტასტიური მისტიკა? განა აღმოსავლეთში არ შეიქმნა ენების თავადობა და შთაგონების ცეცხლი?

ან სად იცოდნენ ისეთი ღრმა სევდიანობა, ან ისეთი მწვავე ფიქრი და თავ-დავიწყებითი ქვრეტა, როგორც აღმოსავლეთში? ფილოსოფია, რელიგია, ხელოვნება—ყველა ეს აზიაში ღრმა იყო და თავისებური. უნდა იყვის კიდევ.

და თუ დღეს „ზანტი“ აღმოსავლეთი თვლემას შეუპყრია, შესაძლოება მასში მაინც ტორტმანობს და გამოქვლიანდება კიდევ. უკვე დაიწყო. რაბინდრანათ თავგორი საუკეთესო დამტკიცებაა. საქართველოც აზიაში სთვლემს.

აზიაში დაველოდმა და აზიაშივე უნდა ველოდეთ ჩვენი ხელოვნების დილას. დევიზი: უკან, აზიისაკენ წინ წასასვლელად.

მაგრამ ჩინეთის კედლები კი არა, ქართული დარბაზობა.

## ერთგვირგვინოსანს

აი: ლამფას დავხურე მოთაღხო აბაჯური  
და ოსმალოურ ყავესტრად ოთახი ჩავაშავე.  
და ბოლოთს ვცემ. და ვამბობ: რისთვის! რა დავაშავე!  
რათ მომიკალ, ნეტავი, გრძნობა ახალგაყური?!

მე ხომ მართლა მიყვარდი—ვით სადაფსა ნიჟარი,  
მე ხომ მონა ვიყავი ემაგ თვალთა ისრისა,—  
მაშ ხასხასა ტუჩები ასე ვინ მომისრისა,  
ვინ გამხადა მტრედევით ვნება განაგეყარი?!

და თუ სადმე მესმოდა რამ ახალი ამბავი—  
განა თავდაპირველად მე შენ არ გიმყლავნებდი?  
განა მე არ ვიყავი შეგხედე და ავნებდი,  
განა შენ არ გაკუთვნე ლექსი დაუსტამბავი?

\*

დღეს კი ისე ამჩატდი თვით სიოც გადავძალავს,  
დაივიწყე მგოსანი მგრძნობიერი, მშფოთვარე;  
დღეს ქმარი გყავს. და ქმარი თვით ოცნებას გიკრძალავს,  
ქმარი ცივი ვით არზა, უგრძნობელი ვით მთვარე.

ვაი—სადლა წავიდე! ვაი—ვინ მეყოლება!  
ვილა მოვიხსენიებს მგოსნის მუზად წოდებულს!  
ლამის მოვკვდე! ვინ არი, შენს ტანს ვინ ეტოლება,  
შენს ტანს, ატამივითა ოდნავ ბუსუს-მოდებულს?!!

დღეს ქმარი გყავს. და ქმარმა შენ მონად გამსახურა,  
ვით მუშანბა წარსული გაპყინა და გაფისა;  
შეგირთო და ეგ გულიც ისე მაგრად დახურა,  
როგორც ბერ-საქურისმა კარი ალაყაფისა.

## ქორწილი ჩვენუბანში

ანთეთ ჩქარა შუშხუნები და მაშხალები.

გაშალეთ სუფრა. გადმოჰტინეთ ბანზედ ხალები.  
უთხარით ლოთებს, რომ აკურთხა მღვდელმა ალაგი,  
რომ სიძეს მისცეს ფალუსტაკი დაუხალავი,  
რომ მზითვის ბიჭებს ჩამოართვეს ტაშტი და სარკე.

ხოლო თუ დღეს აქ რომელიმე გადგება ცალკე,  
თუ დღეს არავინ არ გადიქცა ჩემებრ ქორწილად —  
მას აზამბარი მიუსაჯოთ კიდევ ორ წილად,  
რომ წითელ ვაშლში არ მალავდეს თეთრ უხალთუნებს.

აი, გამოჰყავთ პატარძალი ლამაზ ხათუნებს.  
ის ნეგოსავით უმძრახია, მზესავით ღია,  
და თუმც მის ბეჭებს არ ამშვენებს ქალაღია  
და არც სახე აქვს თეთრის ხრილით გადაფქვილული —

მაგრამ ის მგოსანს თვით სიზმარშიც არ ჰყავს ხილული.  
ისე კრძალულობს ცის ნინველა, აქ დანაბადი,  
თითქოს მის ტუჩებს არ ეგემოს აღჯანაბადი,  
თითქოს ღიმილით მზის ჭრილობა არც კი განკურნა.

და ეჯიბი კი სულ ღრიალებს: „სად არის ზურნა!  
ღვინო და ზურნა! სხვა დღეს ნეფეს არა-უნდა-რა!“  
ბანზედ ხან თარფი. ხან შაბაში. ხან უხუნდარა.  
ქვეშ კი მწვადისთვის აშიშინდა ცეცხლის მაყალი.

გათენდა. მისწყდა ჟრიაბული, აყალმაყალი.  
ქვიშისფერ მელნით აიწინწკლა აისი ნაზი.  
დუღუკმა ბანზედ ერთხელ კიდევ დაჰკრა მაჰნაზი  
და „მშვიდი ღამე“ კვლავ უსურვეს ნეფეს და ცოლსა.

და როცა ნეფემ მიაშურა თავის საწოლსა —  
პატარძალს მხოლოდ ეს აღმოჰხდა: „ახ, აქ რა გვინდა?“  
მაგრამ მყის ტუჩი პატარძლისა კოცნით აღვინდა  
და გაიფანტა მარგალიტი ბადაშხეული.

საბნის ნაოქში დაიმაღა მათი სხეული.

## მოღალატე ლეილა

მხარზე სურა შემოიდგი და გამოჰყე წყალზე დობილს:  
იქ თეთრ ქვასთან მინახულებ სიყვარულით ლახვარ-სობილს.

მზის ჩასვლისას მოცქრიალდი, დარჩი მთვარის ამოსვლამდე;  
გულს ლოდინით ნუ გადმილევ, თუ გსურს შარბათს შენთან ვსვამდე!  
შემოიდგი მხარზე სურა და გამოჰყე წყალზე დობილს,  
თორემ ტანჯვა გადამიტანს სიყვარულით ლახვარ სობილს!

აგერ, სერზე გადმომდგარა და დობილთან მოდის მღერით;  
დაპირება აასრულა—შემომცინა გულმა ჟღერით!  
შიშველ ფეხზე ფლოსტი ეცვა ანასხამი ფერად მძივზე;  
ბროლის ყელი მოედერა უფრო ტურფა ნათელ სხივზე!  
მას დობილი ჩამოჰშორდა... ჩემკენ მოდის, მოდის მღერით;  
სურა დადგა—ჩემთან დაჯდა—გული გვიცემს ორთავ ჟღერით!

შეუმჩნევლად უკვე მთვარე ტყის წვერიდან ამოცურდა.  
ჩვენ თეთრ ქვასთან კვლავ ვისხედით, განშორება აღარ გვსურდა.  
ყვავილებში თავი მივდეთ და განცხრომით ვნეტარებდით;  
მე, მიჯნური და ბულბული სამნი ერთ დროს ვატარებდით!  
შორს დობილი იძახოდა: უკვე მთვარე ამოცურდა!  
ყურადღებას არ ვაქცევდით, განშორება აღარ გვსურდა.

და მიწყნარდა ყველაფერი, მხოლოდ წყარო თვის ხმას ადგა.  
ერთი ვინმე ყრმა უცნობი უცბად თავზე წამოგვადგა.  
და ხანჯალმა გაიელვა... წამოიჭრა ქალი მნათი;  
შევეუძახე: რად ჰკლავ? ვინ ხარ? ვინ მოგგზავნა მუხანათი!  
„მან ჩემ ფიცსა უღალატა“ სთქვა და ბუჩქებს მიეფარა.  
ქალს სიკვდილი შავს თვალეებზე ლურჯის ფრთებით მიეპარა.

და მას შემდეგ, როცა მთვარე იცრიცება ბამბის მკლავად,  
იმ თეთრ ქვასთან ვილაც სტირის ხმა-გაბმით და გულსაკლავად.

## მოქანცული თვალები

რომ არ გამომეთხოვე და უსიტყვოდ წახველი,  
შენი სული ამაყი ისე რამ შეაშინა?  
ჩემი გული სკივრია, გრძნობათა შემნახველი,  
მაგრამ ჩემმა თვალებმა სევდა გამოაჩინა.

და რაც წინად დავმაღლე სიტყვები სამაისო  
შხამის წვეთად ციმციმებს ახლა ჩემს წამწამებში.  
ფიქრი ვარდებს ჩვეული ახლა ეკლით აივსო  
და გველი დაბინავდა სულის ცივ აკლდამებში.

წინად თუ ვნეტარობდი, შენთან ყოფნა მშვენიოდა,  
ახლა რა ვარ?—საფლავი: შიგ მიწა და გარედ ქვა!..  
ვამბობ: მას რომ გულისთქმა ოდნავაც შერჩენოდა,  
ისე არ წავიდოდა, რომ „მშვიდობით“ არ ეთქვა.

და იწყებენ ფიქრები შავი ქსელის შენებას,  
და მებრძვის მოგონება გამქრალ დღეთა აჩრდილის.  
დღით საღამოს მოველი, და ღამით—გათენებას,  
და არა მაქვს სურვილი არც ღამის და არც დღის.

შუალამით ღრუბელზე შუქი დავსვენება,  
და თვალები შენიშნავს სხივთა შეტორტმანებას.  
იქ ოცნებას ნანატრი სახე მოეჩვენება,  
მაგრამ ქარი გადაჰგვის ციდან სათუთ ზმანებას.

დილა მოახლოვდება, ცა ვარსკვლავებს მოიღვეს,  
და ღრუბელი შეამჩნევს ჩრდილში ოქროს შემოსვლას  
მოქანცული თვალები ზეცას ზანტად მოივლის  
და მოოქრულ ნაპირებს ცრემლის ნამით შეჰმოსავს.

---

## ფისოს

ციცუნიავე, ხარ რა ნაზი,  
რა ფუნჩულა, რა ლამაზი!  
ტანმოქნილი, ტანწგრწეტა,  
მარდი, სწრაფი ვით გავაზი!  
მითხრეს: გული მას აქვს ქვისო, —  
მიჰქარავენ, არა, ფისო?  
თაგვების ხარ ავი წერა:  
გიყვარს ბნელში მათი ქერა!  
გაიძვერას  
ერთს ვირთაგვას შენს კლანჭიდან  
სურს გასხლტომა.. მაგრამ ვერა!!  
კლანჭები გაქვს, სთქვეს, რკინისო,  
მართალია, არა, ფისო?!..  
მსხვერპლს დაიჭერ.. ვით განგაშებ!..  
ჰბეგვამ, ჰზელავ, ათამაშებ,  
ალავაშებ!..  
ანთხევ სისხლსა — გიხაროინ  
და თეთრ კბილებს აკაშკაშებ!..  
ეშინოდეს ქოფაკისო,  
სთქვეს და ფრთხილად იყავ ფისო!

## ლევ. მახრაველი.

## გაოხრებული სასახლე

რა სასახლე ავაგე, რა სასახლე!  
მარმარილოს მთაზედ წამოვსქიმი იგი ცათა სწორად.  
ალმასის მაღალი კედლები ჯადოსნურ ფერებად ელავდნენ სივრცეთა შორის.  
ბროლის ნათალი გალავანი მოვაველე ირგვლივ.  
მზის პირმშო სხივები მასზედ იმსხვერუდნენ საზეიმო სალამად.  
მის უკანასკნელი სხივები იქ ჰლამუნობდნენ გულ-დაწყვეტილ გამომშვიდებათ.  
და მათგან ნაქარგი ზღაპრულობა უკვდავების ფერებად იდინებოდა მთელს გარემოში.  
ღიბა-ატლასით შევამკე დარბაზნი მისნი.  
არ დამიზოგავს ძოწეულობა თვალთ-სატყვევებლად.  
უძვირფასეს ხალიჩებს ვეფხვის ტყავები სჭარბობდნენ კარიდან კარზედ ფერხთა საფენად.  
რა ამოვსწურე სიმშვენიერე და სიუხვე ძველის ძველ ქვეყნებისა სალამაზოდ და სამდიდ-  
რებელად ჩემის სასახლისა, მაშინ კი დამთავრებულათ წარმოვიდგინე იგი.  
მაშინ მოვუწოდე პირიმხეს ჩემსას, რომ მოზრძანებულყო იმა სასახლეში და ედედოფლა  
ჩემზედ სიყვარულიდან სიცოცხლემდის.  
მაგრამ რა ვუწყოდი ბედ-კრულმა, თუ მე განწირული ვიქნებოდი იმ ერთად-ერთისაგანაც,  
რომლის ეშინთაც შევსცქეროდი ცასა და მიწას.  
მან უარჰყო ჩემი ნაშრომ-ნაღვაწი. უკანასკნელ ძალ-ღონითა და სილამაზით დამთავრებული  
უარმყო მე თვითონაც და მოსწყდა სამარადისით ჩემი გულის მხედველობას.  
და დამრჩა ოხრად სასახლე იგი...  
მე დაეძრწი ეულივით უდაბნოდან უდაბნოში.  
სტიქიონების სამსხვერპლოდ გამხდარა ჩემი შიშველი თავი.  
ქართა ღმუილი, თოვლი და წვიმა, ჭექა-ქუხილი, ვაი და ვაგლახი არა მშორდება.  
მიწისა და ცის შორის აღარსადა მაქვს თავშესაფარი მე, აღარსადა...  
იქ კი მარმარილოს მთაზე, ოხრათა სდგას ჩემი სასახლე...  
ოხ-რა-თა სდგას... ჩემი სასახლე...



## ქალაქი

შუა ქალაქში სქელი კედლების გადებულია ზვიადი ღარი და ავტომობილ-ვაგონ-ეტლების დადის უწყვეტლივ ზედ ნიაღვარი. ხმელი მდინარის ხმელ განაპირად მიილტვის ტალღა ნაეშაფოტი და იმ ტალღაზე ობლად და მწირად მეც მიმოვილტვი, როგორც ნაფოტი. დიდი ქალაქის რკინის ძარღვებში დადის გიჟური ცეცხლი და გაზი!— აღარც ბულბულის სტვენა ბარდებში, აღარც ბუნება დინჯი და ნაზი... და მომაგონდა: წიგნს მივწერ ბარემ სოფლელ მეგობრებს, რო მყვანდნენ წინად, მივწერ: წამილო რკინის მდინარემ და გადამადნო ფოლადათ... რკინად...

## ნ. ლორთქიფანიძე

### გათხოვს!

მზემ ერთის წამწამით შემოაქციტა ფანჯარაში, მაგრამ საჩქაროდ მიიმალა, თითქოს ენანება არ გააღვიძოსო. მზემ შემოიხედა ოთახში და ფარდების სახეები ხელოვნურად ამოაგვირისტა იატაკზე, კედლებზე და საბანზე. მზეს ბოლოს გული მოუვიდა—ასეთი გაუთავებელი ძილიც არ მინახავსო—და გააღმასებულის სახით შემოვარდა.

ლოგინში მწოლარე ყმიწვილმა თვალები ოდნავ გაახილა, გადაბრუნდა მეორე გვერდზე და ისევ ბურუსს მიეცა.

„როცა სდუმს“—ფიქრობდა ნახევრად მძინარე—„გავიწყდება სურათის გონება და თუ ლაპარაკობს აღარ აქცევ ყურადღებას მობაასის მშვენიერებას. მასთან რომ ხარ, ლმობიერი, ტკბილი და ნაზია ყველაფერი, რაც ირგვლივ ახლავს. მახსოვს ასეთი გრძნობა ბავშვობისას გამომიცლია ჩვენს ტევრში, წყაროს ძირში: გრილა; ბალახი რბილია; ჩუმი შრიალი ფოთოლთა მოისმის; რიკრიკებს ქვებზე ღარიდან ჩამოვარდნილი წყალი, ფაქიზდება გრძნობა; მშვიდდება გონება; მაგრამ საკვირველია: ხშირად ისე ვყოფილვარ მოჯადოებული, წყურვილ-მოკლული, საესე ღარიდან განუწყვეტელ მარგალიტად მომდინარე წყაროთი, რომ ცივი ანკარა წყალი, გვირგვინი იქაურობისა არ დამილევია. სხვაგან კი ვსვამდი ღვინოს, რომელიც მძაგდა; წყალს, რომლის შედარებაც-კი არ შეიძლებოდა წყაროს ნექტართან.“

— შენ რაღა გინდა? ცოტა ნაწყენი შემოუბრუნდა ფიქრებიდან გამორკვეული ყმაწვილი თავზე მდგომს მსახურს.

— წერილი გაახლეთ.

— ვისგან?

— წირიშვილისაგან.

ყმაწვილმა საჩქაროდ დაიწყო კითხვა.

რაო?! კატო კუხიშვილს მიჰყვებაო? სანდროს?! ყველას მიათხოვეს მოძულებულს ქალს დედამა, მაგრამ სანდროს?! სანდრო ხომ ღეთის ნააზრი არ არის და ადამიანის შექმნილი! ბატმა იფიქრა და ღრმა ტალახში ამოიჩქინა ვირის გასაზრდელი არსება—სანდრო, ალექსანდრე!..... მოიხსენე, უფალო, წიაღსა შენსა მხევალი ეკატერინე!“ დაცინვით წამოიძახა ყმაწვილმა,

— ბატონო, ბიჭი პასუხს ელის.

— ჰო, კარგი! მომიტანე საწერ-კალამი.

საპასუხხო ბარათი მოკლე იყო:

„პატივცემულო ქალბატონო—სწერდა ლოგინში წამოიხედარი—დასაფლავების მომწყობი საზოგადოების წევრი არ გახლავარ. პანაშვიდებზედაც არ დავიარები.....“

## თოვლები

თოვლის მაყრების მოსვლა დღეს ქარს არა სჯეროდა და ვით მთვრალი აშული—მავთულებზე მღეროდა; ეხლა კი სთვლემს ქალაქი და ჩირალდნებს, და ქუჩებს თოვლი თეთრი კონცერტით აბრუებს და აყუჩებს; თოვლი ისე ჩამოდის, თოვლი ისე ცახცახებს, თითქოს სატრფო ისროდეს აიენიდან ზამბახებს. და მიტკლისფერ მორევში იძირება კამარა— თოვლმა ცა და ქვეყანა თეთრად დაასამარა!

მე მივყვები ნამქერსა—ნამქერივით ეული და ცა მხრებზე მაწვება—ცა ძირს ჩამოწეული. გზები სულ მთლად წაშლილა—თეთრად გადაბურდული.— სად მივდივარ?—ჩემს გულში შიში იძვრის ქურდული.

გუშინ ღამით ცა იყო ვერცხლის წყლით დაბასმული და ზედ ქარვები ჰქონდა წერტილებად დასმული, მთვარეს ისე მისდევდა ვარსკვლავთ მილიონები, ვით გაქცეულ ფარაონს—მეამბოხე მონები, და იღვროდა ნათელი და ჩემს ფართო ფანჯარას— აწვებოდა სხივები—ხან რიგრიგად—ხან ჯარად. და მე ნათლად ვხედავდი გზებს, ცისაკენ წარმავალს: ცაში ანგელოზები იმართავდნენ კარნავალს— და იქ ღმერთიც მეზმანა უცნაურის ზმანებით: მან ზეციდან შესროლა შავი ხელთათმანები!—

შევკრთი, ფარდა დაუშვი და სულ იმას ვფიქრობდი, თუ გულში ამ განცდის ცეცხლს რომელ ზღვით დავიქრობდი?.. სახლში შიში დამყარდა, კარში ქარი ატირდა— და გავქვევდი ბურანში როგორც კარიატილდა!

ეხლა კი... სთვლემს ქალაქი და ჩირალდნებს და ქუჩებს— თოვლი შაქრის კონცერტში აბრუებს და აყუჩებს; და როს ქარი ღრუბლების ყდას გადაჰხდის მთვარესა— მთვარე ოდნავ იელვებს და ჰქრება უარესად: მთვარე თითქოს შეფეა—პორფირ შემოხეული და ცდილობს, რომ დაჰფაროს თვის შიშველი სხეული. ცა კი დაბლა ჩამოდის, ცა რძის ორთქლით ნაბანი, და იშლება მიწაზე ფარჩის თეთრი საბანი.

და მივდივარ მარტოკა, ვით შეშლილი მაესტრო, ახ ნეტავი ამ გზაზე ჩემთვის არვის გაესწრო! და ეს ფიქრი ქარს უსწრობს, როგორც მალი შურდული, სულში კი თოვლი მოდის და ეჭვი მჩხვლეტს ქურდული!

# დედის სურათი

გუშინვე გადავწყვიტე დღეს დილით სკოლის ფერმაში შევევებოდი მზის ამოსვლას. მიყვარს მარტოობა, მიყვარს ბუნება... ეხ, მოდი ფარისეველობას თავი დავანებოთ: ბაბოსთან ვიყავე შეპირებული, თორემ დილის ბაღში ბუნებაზედ არ გავცვლიდი...

მიმიხედვებოდი, — ბაბო ხევის ცოლია და მე, როგორც მიღებულია, გაგიყვებით უყვარდი. იმასაც ხშირად დაუთმია დილის ძილი (შუალამისაც!) „ბუნების“ გულისათვის...

ფერმაში ერთი მობურული მყუდრო ხეივანი შევაგულეთ და ისე ვგრძნობდით თავს, როგორც საკუთარ სახლში!.. გარდა ამისა, ორთავე ცნობილი ვიყავით წმინდა წყლის „ესთეტიკადა“ და იქვიანობას არ დაიწყებდნენ...

ჩვენს თავისუფლებას მხოლოდ ერთი ვარაი სდევდა უკან — ბაბოს ექვსი წლის ტასიკო!.. ახირებული რამ იყო ეს გომბიო!.. რამდენსაც გინდა ცდილიყო ბაბო, იშვიათად თუ დააღწევდა თავს ამ არკაუქს!.. ერთი ტირილ-ლრილით დაედევნებოდა უკან და, მეტი რა ჩარაჰქონდა, რომ თან არ ეტარებინა!.. მოგეცა წყალობა, ბაბო იმას დაუტატანებდა ხოლმე, როდესაც, ვთქვათ, სავაჭროდ მიდიოდა. აბა, რა ბავშვის საქმეა ბაზარში ტანტალი!.. მაგრამ... ბაბო, ბუნება, დილის ჰაერი — მოგესხენებათ, პირველია ბავშვისათვის!.. მოდი და უბრძანე სახლში დარჩეს!.. რათა? მიზეზი?!.. მართალია, ბაბო ქმარს ძალიან არ უფრთხილდა, მაგრამ ასეთ ჯიუტობას, შესაძლოა ქმარიც კი ჩაეფიქრებინა... კარგად იცით, — თუ იქვის ჭიამ ერთი გაიღვიძა, მცონარესაც კი აღარ მოასვენებს...

გარდა ამისა, ტასიკო თავისი გამარჯვებითაც იქამდის იყო ხოლმე კმაყოფილი, რომ შემდეგ ადვილად ვიშორებდით თავიდან: ეს პუპლებსა სდიე, აი ნიჩაბი და ვინძლო კარგი ბაღია ვააშენო, — რას არ მოიგონებს გაჭირებული ადამიანი!.. მე და ბაბო-კი პირდაპირ გვენიოსები ვიყავით ამ მხრივ!.. ერთხელ „ხობობანაც“ — კი ვათამაშეთ: ტასიკო თოკით ხეზედ მივაბით და მარწყვში გავუშვით, ვითომ ხბოა!.. ხე-ხე-ხე...

მხოლოდ ერთი შემთხვევის შემდეგ გაუწყრა ღმერთი და „ხობობანობითაც“ — კი ველარ ვატყუებდით! მე და ბაბო ხეივანს ქვეშ ვისხედით, ტასიკო-კი მოშორებით თავის ბოსტანსა ჰმარგლიდა. უცებ როგორღაც თავს წამოგვადგა, როდესაც ბაბო ჩემს კალთაში იჯდა და მეალერსებოდა... ის იყო და ის! — შეჯდა ეშმაკზედ და თავიდან ველარ ვიცილებდით: საცა ჩვენ — ისიც იქ! წავალთ — მოგვედეს, დაესხდებით — დაჯდება, წამოვწყვებით — ისიც იქვე მუცელზედ წაგორდება და ფეხებს ჰაერში ათამაშებს!.. არამც-თუ მე, — ვგრძნობდი, რომ დედასაც-კი ეზიზღებოდა ეს ღვთისაგან წყეული ანგელოზი!.. აა, ცოტა კიდევ და ვტაცებდი იმ ბოცოცა ფეხებში ხელს და ბაყაყივით ვისროდი ღობის იქით!

ოთხ საათზედ მე უკვე ფერმაში ვიყავე. ბაბო მხოლოდ ექვს საათზედ უნდა მოსულიყო. მივწეკე იქვე გრძელ ფიცარზედ. დილის სიო სასიამოვნოდ მივლიდა ტანში... ჩამძინებოდა... უცებ გამეღვიცა... საათს შევხედე — ექვსი სრულდებოდა. წამოვხტი. შევხედე პირდაპირ ამომავალ მზეს და ღონიერად გავიზმორე... გავიხედე გზისკენ, — ბაბო არსადა ჩანდა. მხოლოდ მაშინ შევაშინე, რომ თავით ახლად დაკრეფილი ჯერ ისევ ნამიანი მარწყვი მოეგროვა, — ეს მებაღის ყურადღებას ნიშნავდა... ბუნებით თუმცა დარდიმანდი ვარ, მაგრამ ჩემი ცარიელი ჯიბე ვის აღუძრავდა ასეთს პატივცემას!.. ეხ, ტყუილად-კი არ არის ნათქვამი, რომ ღმერთი თავის შექმნილს არ გასწირავს და, ბუზი რა არის, — იმასაც-კი რითიმე დააჯილდოებს!.. ჩემი საქმეც სწორედ ეგრეა: არც ფული მაქვს, არც დიდი სამსახური, არც ისეთი რამ ჩამომავლობა, მაგრამ... აი, თუნდ ქალები: ისე მეტანებიან, როგორც შემოდგომის ბუზი მელოტ თავს!.. რალაც გამიგონია შავ თვალზედ, მაგრამ არა: თვალი ხომ თვალია, მაგრამ გამჩენს კიდევ „რალაც“ დაუნათლებია ჩემთვის, თორემ ამ ჩვენ დალოცვილ საქართველოში ყველას გამურული თვალები აქვს!..

ეს ხომ წამომცდა და ბარემ სულ ვიტყვი: საცა ლამაზი ქალია, ივლის და წამომადგება თავს: „ჩემი ქმარი ძალიან კარგი კაცია, მაგრამ ჩემი სული (ხე-ხე-ხე...) ობლობას განიცდისო“ პირველ ხანს გავიბერე, რა გავიბერე — თავი ნაპოლეონად მომქონდა!.. ახალგაზრდა ვიყავე დან ცხოვრების ნაჩუქარს ანალიზის გუბეში არ ვალბობდი... მომეწონა ჩემი თავი, ძალიან

მომეწონა,—მეტეცი: ღრმა ბუნებრიობის განცდა მოვისურვე: გავეხვიე ჩაილდ-ჰაროლდის წამო-სასხამში და, მოგეცათ წყალობა, ტრემლის ნიაღვარი ვადინე „სულთი ობოლთ“!.. მხოლოდ ერთმა დაკვირვებან გადამასხა ცივი წყალი: არცერთი გასათხოვარი ქალი არ მო-დიოდა ჩემთან „ობოლობის“ საჩიველელად,—სულ გათხოვილები!.. „ბიჭოს!“—გავიფიქრე: „თუ ობლობაა, ამას გასათხოვრები უფრო არ უნდა ჰგრძნობდნენ?!. სად არიან, რატომ არ მოდიან ჩემთან!“ მაშინ-კი მივხვდი. თუმცა მემძიმებოდა ლამაზი პოხის შეცვლა... ამის შემდეგ გავეხუმრე კიდევ „ობოლობის“ ერთს ახალს მსხვერპლს: გულზედ ხელები დავიკრიბე და ტრაგიკულად ვუპასუხე: „მე მზადა ვარ ცხოვრების თანამგზავრად გავიხადოთ, მხოლოდ საჯაროდ, პირ-ახდლილად!“ ხე-ხე-ხე... ჩემი „ობოლი“, ექვი არაა, მომზადებული არ იყო ასეთი ახირებული მოულოდნელობისათვის და სულ აირია!.. მშობლებიც მაშინ მოა-გონდა, საზოგადოებაც, „დაწყველილი ბორკილიც...“ რა მექანა? გაქიანურებულ ხუმრობას ხომ მარილი აკლდება და... ჩქარა მზის ამოსვლა-ჩასვლის საცქერლად სულ თან დამ-დედა...\*

ცოტა გადაუხვიე... სულ-კი მებადის ბრალია: ერთი გატლევკილი ბიჭი და—ასეთი ყურა-დლება!..

ავკრიფე მარწყვი: ცოტა მე შევეკამე, დანარჩენი არკაუტ ტასიკოს შეუნახე. ბალის მეორე მხრისკენ გავწიე...

როდესაც ხეებს მოვეფარე, უკახიდან ფეხის ხმა მომესმა. ფიცხლავ მივტრიალდი და დაეინახე ოთხი შეგირდი: მხარზედ თოხები გაედოთ და სამუშაოდ მოსულიყვნენ, ოთხივე იმ ფი-ცართან შეგუფთულიყვნენ სადაც მე ვიწექი, ერთმანეთს ხელიდგან რალაც ოთხკუთხიან თეთრ ნაქერსა ჰვლეჯდნენ, ტუჩებზედ იღებდნენ და საიდუმლოდ ხითხითებდნენ. მკაფიოდ მომესმა ტუჩების ტყლაშა-ტყლუში: ოთხივე ჯერჯერით ჰკოცნიდნენ იმ თეთრ ნაქერს...

გულზედ რალამაც მიკბინა.. გავიკარ უბეს ხელი, ცარიელი დამხვდა... ექვი არ იყო: წოლის დროს დედიჩემის ფოტოგრაფიული სურათი წამომგარდნოდა და ეხლა ეს თექვსმეტ-ჩვიდ-მეტი წლის განხეცებული ბავშვები გაშმაგებით ჰკოცნიდნენ მას... დედა ჩემს!..

თავში სისხლი მეცა... მკვლელები დამეძარღვა და გავემართე მათკენ... შევდექე... სულს ძლივსლა ვიბრუნებდი... შემეშინდა ჩემი თავისა... საშინელმა მხეცმა გაიღვიძა და საქმე უბრალოდ არ გაათვლებოდა, თუ-კი ცოტათი მაინც გამოვყოფინებდი საზარელ კლანქს...

მთელი ძალ-ღონით მოვლრიცე ხის ტოტი, რომელზედაც ხელი მედო, ღრმად შევისუნთქე და წყნარად გავწიე შეგირდებისკენ... იმათაც დამინახეს და გაშეშებული მიცქეროდნენ... მივუახლოვდი და, რამდენადაც-კი შემიძლო, მშვიდად ვკითხე: „უბიდგან ფოტოგრაფიული სურათი დავკარგე (დედის სახელი ვერ ვახსენე!) და ხომ არ გიპოვნიათ მეთქი?..“ ალბად, ჩემი „დამშვიდებული“ სახიდგან მხეცის თვალები ანათებდნენ და სწორედ ეს უნდა ყოფი-ლიყო მიზეზი, რომ ოთხივე გამშრალი, შეშინებული უნძრევლად იდგნენ და ხმის ამოლებას ვერ ახერხებდნენ... ბოლოს ერთმა უკან მოფარებული ხელი შიშით გამომიწოდა... ჩამო-ვართვი სურათი და დინჯად გავბრუნდი...

დავხედე დედი ჩემის ნასასხ... ვიცან ყოველი ხაზი დედი ჩემის საყვარელი სახისა. მწუხარე თვალები ჩვეულებრივი ალერსით მიყურებდნენ და, ასე გონია, სამღურავს მიძღვნიდნენ— „რად ჩაუგდე ჩემი თავი გარყენილ ბიჭებსაო!..“ ალერსით გადაუსვი სახეზე ხელი, ვითომ უწყმიხდურობა მოვაშორე, და შვილურის გრძნობით დავეკონე. შევახვიე ქალალში და ისევ უბეში ჩავიდე.

შეგირდები მოშორებით სთოხნიდნენ და მხიარულად რალაცაზედ ხითხითებდნენ; ფარულად ჩემკენ იხედებოდნენ და ერთმანეთს თვალს უშვებოდნენ... ბრაზი ისევ გულს შემომამწვა— შეგინებული გრძნობა შურს თხოულობდა... გავბრუნდი, განაპირა ხეივანისკენ წავედი...

უცებ ფეხის ხმა მომესმა... ბაბო!.. ტასიკოც უკან მოსდევდა, ღიმილით ხელი გამომიწოდა... თავს ძალა დავატანე, მაგრამ ჩემს გაფითრებულ სახეს ღიმილი არ ადგებოდა... ბაბოს შეხება მეზიზა... ხეივანის უკანა კუნძულში მიჯდა და კითხვით შესცქეროდა ჩემი სახის არა ჩვეულებრივ გამომეტყველებას.

ტასიკო ხელში ავიყვანე და მარწყვი შევთავაზე; იმას ჯერ უსიამოვნოდ დაეპრანჭა პირი-სახე და ხელიდგან გაშვება უნდოდა, მაგრამ ჩემმა მეგობრულმა ქცევამ ალბად გული მო-უბრუნა და გამიღიმა. ჩამომართვა მარწყვი და ჰამა დაუწყყო; დრო-გამოშვებით შემომხე-

დავდა და გაიღიმებდა. ესე კარგა ხანს ვიდევით. ბაბოს წყენისა იმ დროს არ მეფიქრებოდა, მაგრამ ჯერ არ ვიცოდი, როგორ უნდა გავძლოლოდი ამ ახალ გარემოებას.

—ნუ რყენით, დავით! მომესმა ბაბოს უკმეხი ხმა.

ტასიკო ხელიდგან გამისხლტა. მეც მივბრუნდი და ბაბოს მივუჯექი. ტასიკომაც ჩემს გვერდით მოიკალათა. შევხედე ბაბოს, კეკლუცი ღიმილი აღარსად იყო მხოლოდ სახის და-მწვიდრებას კდილობდა. მე ჩუმაღ ვიჯექ და ჯოხით მიწას ვჩიჩინიდი. ესე კარგა ხანს გა-სტანა. ბაბოს მოთმინება ეკარგებოდა.

—წადი ეხლა, ტასიკო, შენს ბოსტანს მიჰხედე! თავ შეკავებით უთხრა დედამ.

ტასიკო არ ინძროდა. მეც ისევე ვიჯექ.

—არ გესმის, წადი მეთქი! მკაცრად გაუმეორა ბაბომ.

ტასიკო ზღაზნით და ბურტყუნით გაემართა... მეც წამოვხტი...

—ბაბა, ტასიკო, წავიდეთ, ენახოთ!.. მხიარულად მივძახე, ავიტაცე ხელში და წავიყვანე; თან ხმა მალლა ვეყბედებოდი ამ მთისას—იმ მთისას, რომ უხერხული სიჩუმე ამომეცო-რითიმე.

შორი-ახლოს რუ მოჩუხჩუხებდა და იქვე ხის ძირში ტასიკოს ბოსტანი იყო. მხიარულად მიუახლოვდით და ფიცხლავ საქმეს შევუდექით. გავმარგლეთ, მოვრწყეთ, ბილიკები დავ-ტკეპნეთ... ორთავეს ხელეში ტალახით დავვესვარა და მხიარულად ვხარხარებდით. გავიდა ნახევარ საათზედ მეტი. ბაბოც გამოვიდა ხეივნიდგან, დინჯი რხევით მეორე მხრისკენ წავიდა და, ვითომ, უღარდეღად რაღაცას ღიღინებდა.

—ტასიკო, წავიდეთ, დროა!.. მოქნარებით დაუძახა დედამ.

—ეხლავ, ეხლავ, დედი... ცოტა კიდევ დავგერჩა...

ბაბო არ აუხირდა და ისევე ღიღინით ჩაისეირნა.

მე და ტასიკომ ცოტა კიდევ ვჩიჩინეთ მიწა და შემდეგ მე თითონვე ავაშურე.

—წავიდეთ, ტასიკო, თორემ ჩაიხედ დაგიგვიანდებათ.

ძლიეს-ძლიობით დავბანე ხელეში გაცელქებულ ტასიკოს, შევუმშრალე და ბაბოსკენ გავწიეთ. ბაბომ დავგინახა; ქალაქისკენ ქნა პირი და დინჯი ღიღინით გაემართა. მე და ტასიკო უკან მივდევიდით და განუწყვეტლივ ვეყბედებოდით.

მიუახლოვდით მათ სახლს; ტასიკომ მეგობრულად ხელი ჩამომართვა. ბაბოს ზრდილობიანად ქული მოვუხადე; იმან ღიღინით დაბლა თავი დამიკრა და შევიდა კარებში...

## ქ. ჭიჭინაძე.

### დალაშქვა

აი თან და თან ჩემს გარშემო დასალამოვდა.  
სული მოითქვა დედა-მიწამ ცეცხლით ნადაღმა,—  
მკაცრი მნათობი, მის გადაწვას რომა ლამობდა,  
მხიმედ დაღლილი ჩავსვენა მთების გადაღმა.

აღმოსავლეთით გაწოლილი უღელტეხილი  
ცას გამოეყო დამტვრეული შავი ხაზებით,  
ხოლო დასავლეთს, დასახლებულს მუქ დარბაზებით,  
საზღვრად გაველო ოქროსფერი სირმის გრეხილი.

ნელის შეპარვით იფერფლევა კამარა ცისა,  
მტრედის გუნდებად იშლებიან ღრუბლის ქულები,  
და, ვით მკვდარ მცნების დარჩენილი მოციქულები,  
სადაც შორს კიდევ ცახცახობენ სხივები მზისა...

ღრმა ნაპრალებში ჩაფენილი ბინდი ხშირდება,  
თალხი ჰარირით იმოსება მწვანე ტყე-ველი,  
და ჩემი სულის მღუპარება დაურღვეველი  
უსაზღვროების მკვდარ სიჩუმეს უკავშირდება...

## ბრიუაშვილის „საიათნოვა“

შვეიცარიაში გადამტყორცნა ბედმა. ჟენევის ტბის პირათ ახლათ გაცნობილ შვეიცარიელ ფრანგს ვემუსაიფებოდი ჩემი სამშობლოს შესახებ და ისიც მაცნობდა თავის კოპწია შვეიცარიას.

— საფრანგეთი რომ შემოგესიოს, რას იზამ მეთქი, დავეკითხე.

— იარაღით დავიცავ ჩემს სამშობლოს, იყო მარტივი პასუხი.

— კი მაგრამ ამ შემთხვევაში შენ უნდა გაილაშქრო ფრანგების წინააღმდეგ.

— დიალ, გავილაშქრებ!

— მერე შენ ხომ ფრანგი ხარ?

— რა ვუყოთ, რომ ფრანგი ვარ! სამაგიეროდ მე ვარ შვეიცარიელი და ჩემი სამშობლო შვეიცარიაა.

— მერე როგორც ფრანგს საფრანგეთი ხომ უნდა გიყვარდეთ.

— საფრანგეთი დიხაბც მიყვარს, მაგრამ მე შვეიცარია უფრო მიყვარს, რადგანაც ჩემი სამშობლო ეს არის.

— გული როგორ მოგცემს ნებას, რომ ფრანგების სისხლი დაღვარო?

— ფრანგი რომა ვარ, განსაკუთრებით ფრანგებს არ ვაპატიებ, შვეიცარიას შემოესიონ; რასაც თქვენ ამბობთ, ეგ არასოდეს არ მოხდება, მაგრამ კიდევ რომ მოხდეს, გარწმუნებთ, შვეიცარიის ფრანგები პირველ რიგში ჩავდებთ ჩვენი სამშობლოს დასაცველად, დააბოლავა ჩემმა მოსაუბრემ სიტყვა.

დიდხანს მიფიქრია მას შემდეგ ამ კითხვის შესახებ.

ჩვენი საქართველოც ხომ შვეიცარიას მიემგზავსება. აქაც ხომ ჩვენთან ერთად, ჩვენს მიწა-წყალზე ცხოვრობენ სხვებიც: სომხები, თათრები, ოსები.

შვეიცარია მე განგებ გავიხსენე.

იქ სამი ერი სცხოვრობს: ფრანგები, გერმანელები, იტალიელები.

სამივე უწინარეს ყოვლისა სთვლის თავისთავს შვეიცარიის მოქალაქეთ და სამივეს სამშობლო მხოლოდ შვეიცარია არის და არა საფრანგეთი, არა გერმანია, არა იტალია.

ქართველმა ხალხმა სულიერად მიაღწია შვეიცარიის განვითარების სიმაღლეს. მან ძმურად გაუწოდა ხელი ყველას საქართველოში მცხოვრებს და მიმართა: ჩვენ გვაქვს ერთი სამშობლო, გაგხდეთ ამ საერთო სამშობლოს ერთგული მოქალაქეებიო. სამწუხაროდ სხვებს არ აღმოაჩნდა გამოცდის დროს ასეთი შეგნება, ასეთი სულიერი სიმაღლე.

ჩვენი ოსებისა და ჩვენი სომხების ნაწილი ჯერ კიდევ ვერ შერიგებია იმ აზრს, რომ მათი სამშობლო საქართველოა და ეს საერთო სამშობლო ქართველ ხალხთან ერთად უნდა დაიცვან ყველა შტრისაგან.

თუ შვეიცარიის ფრანგები, იტალიელები და გერმანელები ამბობენ: ჩვენ შვეიცარიის ხალხი ვართო, ნუთუ საქართველოს მოქალაქეები განურჩევლად ეროვნებისა ვერ შეიგნებენ, რომ ჩვენ ყველა საქართველოს ხალხს წარმოვადგენთ?

შეიგნებენ და ამის თავდებია ჩვენი ახლომდელი წარსული.

ჩვენმა წარსულმა შესძლო ტფილისის მოქალაქის წარმოშობა და ეს მოქალაქე იყო ყარაჩოლელი.

ყარაჩოლელი და კინტო ერთი და იგივე ჰკონიათ!..

ჩვენი წარსულის უცოდინარობით მოსდით.

ყარაჩოლელი უპირველესათ ტფილელი მოქალაქეა. შეიძლება ის ქართველი იყოს, შეიძლება სომეხი—სულ ერთია, ის შვილია საქართველოსი, საქართველო მისი სამშობლოა.

და მას უყვარს ეს სამშობლო, ის არ გასცვლის მას სხვა ქვეყნის სამოთხეზე. არ უღალატებს, არ გაჰყიდის მას.

ამ მხრივ ყარაჩოლელების სულის კვეთების, მათი გრძნობის გამოხატველი მგოსანი საიათნოვა არის, რომელიც მღეროდა: „ჩემი სამშობლო თბილისია, საქართველოს გულიო“;

ყარაჩოლელთა დიდი ნაწილი სომხობა იყო, მაგრამ სამშობლოს სიყვარულში ეს ნაწილი შედუღებული იყო ქართველობასთან.

ქართველ და სომეხ ყარაჩოღელს—ორთვეს ერთი სამშობლო ჰქონდათ, ორივენი ერთი ცხოვრებით სცხოვრობდნენ, ორივეს საერთო ჰქონდათ ქირი და ლხინი.

კეთილდღეობა ჩვენი რესპუბლიკისა მოითხოვს, რომ—როგორც ძველად ყარაჩოღელებს—ისე დღესაც საერთო გვექონდეს—ლხინიც, ქირიც, სამშობლოც.

„ნუ დაადებ ძველსა გზასა,

ნურცა ძველსა მეგობარსა“.

ძველი, ყარაჩოღლური ძმობა და ერთობა ჩვენს შორის ახალ ხანაში, თავისუფლების ცხოველმყოფელი მზის სხივებზე სიყვარულისა და თანხმობის განუწყვეტელ ჯაჭვით უნდა გადიქცეს.

ძმობისა და ერთობის სიმები საქართველოს სხვა და სხვა ერთაშორის ჯერ სამწუხაროდ არ არის მტკიცე. მაგრამ საერთო მუშაობით, შეერთებულის ძალ-ღონით უნდა განვამტკიცოთ.

ამიტომ სასარგებლოა იმდროში ჩახედვა, როდესაც ეს სიმები მტკიცედ იყო გამბული და, მათზედ დამღერებით საიათნოვა ატკობდა ძველ ტფილისს, ძველ ტფილელს, ძველ ყარაჩოღელს—სომეხსაც, ქართველსაც, თათარსაც.

ეს დრო, მისი მარტივი ცხოვრება, მისი ბავშური გულუბრყვილობა, მისი სიდაობა და სილამაზე ემზიანათ და ბაკმიანათ გადაგვიშალა თვალწინ თვითონ ბაკმიანმა გრიშაშვილმა.

გრიშაშვილის საიათნოვა სწორეთ დროის შესაფერისია.

რა აკლიათ დღეს საქართველოს სომეხებს?

საიათნოვა.

ისინი უნდა დაუბრუნდნენ საიათნოვას გზას, მათ უნდა აღიარონ სამუდამოთ და პატიოსნათ ჩვენი სამშობლო ტფილისია—საქართველოს გულიო!

რა უნდა გვახსოვდეს ჩვენ—ქართველებს—განსაკუთრებით დღეს, როდესაც ძმობა-ერთობის ამოძახილს ერთგვარი კვარტლი ჰფარავს?

საიათნოვა!

ჩვენ არ უნდა დავივიწყოთ, რომ სომხის ერმა მოგვცა საიათნოვა, რომელიც ჩვენ შორის ძმობა ერთობის და სიყვარულის ხიდი იყო.

არარატის მთავრობამ ტლანქად ჩაღწეა ეს ხიდი.

მაგრამ მოვა ახალი საიათნოვა და ამ ხიდს ისევ ვასდებს.

რომაული ანდაზა: წიგნებს თავისი ბედი უწერიათო.

საიათნოვასაც თავისი ბედი ეწერა.

ჩვენ გავგეგონა საიათნოვა, ვიცოდით, რომ ის ერეკლეს დროს რაღაცას სწერდა, უკრავდა, თუ მღეროდა, მაგრამ მას არ ვიცნობდით.

გრიშაშვილის ნიჭი და მადლიანი კალამი იყო საჭირო, რომ საიათნოვა მკვლრებით ამდგარიყო ჩვენი საზოგადოებისათვის.

ესეც საიათნოვას ბედი, რომ ის ხელში ჩაუფარდა მზის სხივებში მოტივტივე სიტყვათა ჰარამხანის ბრძანებელს.

საიათნოვა გაუგებარია, თუ ძველი ტფილისი არ გაიგეთ. ძველი ტფილისი გაუგებარია, თუ ძველი ყარაჩოღელი არ გაიცანით.

გრიშაშვილიც გვიხატავს ყველა ამათ საუცხოვო სურათს:

„ძველს პოეტებში მეც მყავს ჩემი გულის მურაზი!“.

ერთი მათგანი უეჭველათ საიათნოვაა.

გრიშაშვილს აქვს საერთო როგორც საიათნოვასთან, ისე ყარაჩოღელთან.

გრიშაშვილის ნიჭში არის ბევრი რამ ყარაჩოღლური: ყველგან და ყოველისფერში საკუთარი მეობა, სულისა და გულის იშვიათი სიმდიდრე, გონება-მახვილობა, თავისებური ფხიანობა,

საკუთარი გზის საკუთარი შრომით გაკაფვა და სხვა... აბა რამდენი ერთი უნდა ჩამოვთვალო!

საიათნოვასთან კი გრიშაშვილს აერთებს მოტივები, ჰანგები, რითმი, სიყვარულის ენა, სამიჯნურო გალობა, მგოსნობა.

საიათნოვა პოეტიც იყო, მგოსანიც—ესე იგი მომღერალი.

გრიშაშვილიც პოეტი და მგოსანია.—

მართალია, ის არ მღერის, მაგრამ სამაგიეროთ მისი ლექსის სიტყვები სულ მღერიან და ცეკვავენ.

ბუნებრივი პოეტის ამითი განირჩევა—ნაცოდელილარისაგან: მისი ლექსის კითხვამ უსათუოდ უნდა ავამღეროს და სხეული ავითამაშოს.

საიათნოვას სიყვარული მსხვერპლიანი, ზვარაკიანი სიყვარულია.

ამგვარივეა გრიშაშვილის სიყვარულიც.

უმთავრესი მოტივი საიათნოვას პოეზიისა სიყვარულია.

გრიშაშვილის ცელქი, ცქრილა, მოსხლეტილი, ხან მხიარული, ხან სევდიანი, მაგრამ მუდამ მოცეკვავე და მომღერალი სიტყვაც ხომ უფრო სიყვარულს ევლება გარშემო.

საიათნოვა რაც იყო, თავისით იყო,—თავისი ნიჭით, თავისი ენერგიით გაიკაფა მან გზა და გახდა სასახლის დიდი მგოსანი.

ამ მხრივ გრიშაშვილი საიათნოვას გამეორებაა. ამანაც დიდი და თავისებური ნიჭით გაიკაფა გზა და შეიჭრა ძრიელ და მეტათ ლამაზ ნაკადულათ ჩვენს პოეზიაში.

ამიტომ უყვარს გრიშაშვილს საიათნოვა და მასთან ერთათ ძველი ტფილისი და ყარაჩოლელები. უსიყვარულოდ არ შეიძლება ისეთი სურათების დახატვა, როგორსაც გვაძლევს გრიშაშვილი თავის „საიათნოვაში“.

ძველი ტფილისი, მისი ცხოვრება, მისი ზნე-ჩვეულება, მისი დროსგატარება, საქმიანობა ცოცხლდებიან.

და როდესაც საიათნოვას ჰკითხულობთ, გგონიათ, რომ ყოველივე ამას ჰხედავთ ცოცხლათ ნამდვილათ, საკუთარის თვალთ.

ამ ძველ ცხოვრებაში სადაობასა და სიმარტივესთან ერთათ დიდი სილამაზეც არის და ეს სილამაზე თავის გამომხატველს ჰპოებს საიათნოვაში.

დიდი პოეტი ის არის, ვინც თავის დროს საუკეთესოთ გამოჰხატავს.

საიათნოვას პოეზია ღარიბია მოტივებით, როგორც მაშინდელი ცხოვრება, მაგრამ ის მდიდარია ფერადებით; ის მარტივია, მაგრამ მეტათ ლამაზი.

საიათნოვა სარკვა თავისი დროისა და ამიტომ ის დიდი პოეტია.

მაგრამ ზაცილებით უფრო დიდი პოეტია გრიშაშვილი, რომელმაც საიათნოვა და მისი გარემო ასე საუცხოვოთ წარმოგვიდგინა.

## მარიკან

# ყავახანაში

დღეს ავად ვარ, მაგრამ თვალწინ არ მშორდება თეთრი კაფე, სადაც ბევრჯელ მუქ ფიქრებში ლექსის სახე გამოვკაფე; იქ დამსხვრეულ, მწველ აკორდზე ჩემი გული უხმოდ კვდესდა, იქ ექსტაზით ვიყავ მთვრალი... მაგონდება ყველა ეს და კვლავ განვიციდი წარსულ წამებს, კვლავ წარსულმა დამახანა და ხსოვნაში, ვით ეკრანზე, იხატება ყავახანა.—

მაგიდები. ელექტრონი. ყავა. ბროლი. მინანქარი.

ტუგრუმელა ფარეშებზე თეთრი ფიფქის წინსაფარი.

ძველ ნაცნობთა პროფილებში ვამჩნევ უცნობ სილუეტებს, ზოგი უხვად სიცილს აფრქვევს, ზოგიც ღიმილს ვერ იმეტებს,

და ციგარის სურნელოვან, ნაზ-მოლოურჯო ბოლის გველი,

იკლაკნება მათ გარშემო, ვით ზღვის ნისლი, ვით ღრუბელი.

აი, ვხედავ შენს ქარც სახეს, მკრთალს, ფერმიხდილს, დაღალულსა,

ქკვიან შუბლსა, ბევრის ფიქრით დახაზულს და დაღარულსა,

და, გიციქერი დაჟინებით, და გიციქერი ხარბად, ვნებით,

თვალს სწყურია, აღიბეჭდოს შენი სახე ზედმიწევნით,—

მაგრამ... შენ კი როს შემნიშნე, მომესალმე ისე ცივად,

რომ ეხლაც კი მოგონება გულს მეჭრება ყინვის სხივად...

და ვიწამე: რომ ამ ქვეყნად ყველა არი წარმავალი,

და შენც, კარგო, ჩემს წინაშე მოგიხდია შენი ვალი.



# ახალი წიგნები

\* „ეროვნული ენერგია“ გ. ქიქოძისა, წიგნი შეიცავს 253 გვერდს. კომწია ფორმატი-სა: მოთავსებულია ოცდა ხუთი წერილი. ახალ მწერლებში, რომელნიც პროზად სწერენ თავიანთ ნათხრობას, სტილის მხრივ გერონტი ქიქოძეს მეორე ადგილი უკავია. გერონტი ქიქოძეს აქვს საკუთარი თქმა და იცის აზრის მოქნილად მოკვეთა. ამ წიგნში პირადად ჩვენ მოგვწონს „მელანქოლიური შენიშვნები“. და „სახავო კონფერენციისათვის“. არის წყალწყალა წერილებიც, რომელიც „საქართველოს“ ყოფილ ფელეტონებს გვაგონებს, საერთოდ ავტორისაგან ახალი საქართველო უფრო მეტს მოელოდა.

\* „დაისები“ ვალ. გაფრინდაშვილისა. „აისი“ განთიადის წინამორბედი, რიყრაყის დასაწყისი, „დაისი“ კი — დიმიტრი ყიფიანის ლექსიკონით — მწუხრი, საღამო, მზის ჩასვლა, დაისით ლოცვა — ღამის ლოცვა: Всеношная“. „ცისფერყანწებში“ იაშვილი და გაფრინდაშვილი საინტერესონი არიან. თუ პირველს მუნასიბური ნიჭი აქვს — და სანთიან მგონად ითვლება, მეორე — მიძიმეა ლოდივით და ყოველ მის პუქარში ბრინჯაოს სიმტკიცე სჩანს. მე მეოხია, რომ პოეტი ამას განზრახ სჩადის. ამ პოეტს ორი ნაკლი აქვს (მე მხოლოდ ნაკლს აღვნიშნავ, ისე კი უდავოა რომ იგი პოეტია და ნიჭიერი პოეტიც!), პირველი ის არის, რომ პოეტი რითმის გულთსთვის აუარებელ უცხო სიტყვებით ტვირთავს ლექსს. და სულ ერთია მისთვის ეს სიტყვები დასავლეთის იქნება თუ აღმოსავლეთის. მაგ., სპექტაკლები-ნაკლები, ჰანიბალი-იღბალი, მელოზანთა-მიზანთა, ბეჰემოტი-გემოთი, კუკლები — უკლები და მრავალი სხვა. საგულისხმოა, რომ ამ უცხო სიტყვებს ტექსტში ვერ შეხვდები და რითმების აღრევე ჩამოწორა კი ცხად ჰყოფს პოეტის ნაკლს. მეოხია, რომ ამასაც განზრახ სჩადის პოეტი. მეორე ნაკლი ის არის, რომ, ერთი და იგივე რითმა — ამ ერთ ციკქნა წიგნში — რამდენჯერმე არის განმეორებული: უამარი-თამარი (გვ. 8), უამარი-თამარი (გვ. 11), მერანებს-გავერანებს (გვ. 14), მერანი-ვერანი (გვ. 68), მესტები-დაინესტები (გვ. 22), მესტები-დაინესტები (გვ. 37), მაინც-რაინდს (გვ. 24), რაინდს-მაინც (გვ. 38), მიხაში-წინაშე (გვ. 29), მიხაში-წინაშე (გვ. 68), პაერი-სხვანაირი (გვ. 42, 53, 66) და მრავალი სხვ. საინტერესოა ერთი რამ: 1914 წელს გრაფოლ რობაჭიძემ „სახალხოში“ წერილი დასტანა, სადაც ს. აბაშელის წიგნს სწორედ ამ მეთოდით არჩევდა და რითმის განმეორებისთვის არასაკადრის სიტყვებით გაუმასპინძლდა წიგნის ავტორს. მე „არასაკადრის“ სიტყვების ან ღმერთმა დამიფაროს და არცა მსურს, რომ ჩულში გავხვიო პატრიცემული ავტორი, მხოლოდ თუ მაინცა-და-მაიც აღვნიშნე (ჯერჯერობით) მხოლოდ ეს ორი ნაკლი, ესაც მომივიდა პოეტის სიყვარულით და ავტორისადმი უაღრესი პატივისცემით.

\* გ. ტაბიძის მეორე ტომი. ტაბიძე სხვანაირია. იგი ყველა ჩვენ პოეტებზე უფრო ფანტასტიური ადამიანია. მისი მეორე ტომი დიდად განირჩევა მის პირველ ტომისაგან. და როგორც მის პირველ ტომში ისე აქაც მხოლოდ რამდენიმე ლექსია კარგი და ავტორის დამახასიათებელი. საკვირველია, რომ დასავლეთ საქართველოს პოეტებს ქართული ენა ვერ ეხერხებათ. გაფრინდაშვილს თავის „დაისები“ საესე აქვს პროზინციალურ გამოთქმებით. — მაგ., ჩაყენილი, ლურჯი, ქალურბე, დაღალდი, გარება და სხვ. გალაქტიონს ტაბიძემ კი უკვე მოიხსნა თეკა პროზინციალური (წინათ ჰქონდა: ცვენა) და როგორც ყოფილი სემენარიელი და ნიჭიერი პოეტი უფრო მეტის სიყვარულით ეკიდება ქართულ ენას. გალაქტიონს თავის ღირება-ნაკლულოვანებით — ჩვენ კიდევ დაუბრუნდებით, მხოლოდ სამწუხარო ის არის, რომ ჩვენს ნათეცი კრიტიკოსები ამ წიგნზე სდუმან, მათ უფრო ინტერესებათ სიმბოლისტების დაბალი შკოლა (კრონოსის სარკე, სმარავდი, აისი, თოლაბურ. სარტყელი და სხვ.) ვიდრე ნიჭი, ხალასი, უმეშვეო და თავისებური. მე ვამზადებ ვრცელ გამოკვლევას: ამ სათაურით „ასონანსები ძველ მწერლებში“ ხოლო ახლებში კი უნდა ითქვას, რომ არც ერთს პოეტს არ ეხერხება ასონანსები ისე, როგორც გალაქტიონს. ჩამოთვლა ნუ გვიწინა. ამატურ-ცლეთ წიგნები და ისწმუნეთ! პირადად მე მომწონს მისი: „ლურჯი ცხენი“, „მერი“ და „პირიმზე“, ამ უკანასკნელში თინათინობს საქართველოს ყოფილი სვედა.

\* „ცხოვრების ყვავილები“ ვარლამ რუხაძისა. ი. ველთშვილმა მთელი სკოლა შეჰქმნა. თუმცა ზოგი ერთი მისი შეგირდი ვერ გასცილებია მამათა ცოდვებს. ამ მხრივ რუხაძის „ცხოვრების ყვავილები“ სუნძილებულია და წასული ხანის დამახასიათებელი.

\* „კავრიოთავა“ გ. საგანელიას. ეს სიტყვა საბას ლექსიკონიდან არის ამოღებული რაიც იწინავს „გულის თქმის ხსენებას“. ველით მის მეორე წიგნს.

\* „შვიდი მნათობი“ ორი ნომერი გამოვიდა. პირველ ნომერში აღსანიშნავია ი. გრიშაშვილის „ლოტოსი“ და პ. კაკაბაძის პიესა. მეორე ნომერში კი გრ. რობაჭიძის თარგმანი „სალომე“ იმით არის აღსანიშნავი, რომ უთვალავი ნაცვალ-სახელებია, რაც სრულიად არ ეგუება ქართულ ენას. ან აბა რა ქართულია: „ვეცხლო“, „კვტარები“, „შეპუდროულია“ და სხვა... უნდა ითქვას კიდევ: „სალომე“ პ. დაღვადისაც აქვს თარგმანი, რომელიც 1910 წ. „დროებაში“ იბეჭდებოდა და აგრედვე ალ. სარაჯიშვილს, რომელიც ხელ-ნაწერებად მომისწენია.

\* **„შვიდნი ძმანი ხევსურნი“ ი. მჭედლიშვილისა.** ლირიკული პოემაა. დაწერილია 1915 წ. როგორც ყოველი მისი ლექსი, ხალხურ ყაიდაზეა დაწერილი და შიგ მრავალი თავისებურობა აქვს ავტორს. კარგია რითმა: ტაძარი—წასაბძარი. გამოცემა ეკუთვნის ი. იმედლიშვილს.

\* **„პრომეთე“ დუტუ მეგრელისა** გამოცემულია კარგათ. ამ ავტორს ძველ მწერლებში საპატიო ადგილი უჭირავს—თავისი მამულიშვილური გრძნობით და გულწრფელი განცდით. პოემა „პრომეთე“ ასეთი სტილით არის დაწერილი.

\* **„გაწყვეტილი ზღაპრები“ დ. თურდოსპირელისა.** წიგნში მოთავსებულია 31 ნოველა. გამოცემულია ფაქიზად. ამბობენ: პოეტები ბევრი გვყავს და ბელესტრისტები კი ნაკლებია. საჭიროა მოძებნა და მათი ცალკე წიგნად გამოკემა, რომ მომავალ თაობას ერთგვარი წარმოდგენა ჰქონდეს თანამედროვე ქართულ შემოქმედებაზედაც. დ. თურდოსპირელი დიდხინის მწერალია. პირველად ლექსებით დაიწყო. მისი პირველი ლექსები „ნიშადურში“ იბეჭდებოდა. შემდეგ კი პროზაში ჰყოფა თავისი თავი და დღეს მის „გაწყვეტილ ზღაპრებში“ გვიჩვენებთ „მოლოზანს და მზე-ქაბუქს“, რომელიც საუცხოვო შთაბეჭდილობას სტოვებს.

\* **მის. ბოკორიშვილის ეტიუდები.** მის. ბოკორიშვილი ახალგაზდა ნიჭიერი ბელეტრისტი. იგი არ არის პოპულიარული. შეიძლება ეს იყოს მისი ღირსება. ხსენებულ წიგნში მოთავსებულია 10 მოთხრობა, წიგნი გამოცემულია ქუთაისში და შეიცავს 72 გვერდს. ქალაქი კარგი ზომისაა. მხოლოდ ეს კია რომ წიგნს რამდენიმე ნაკლიც აქვს გარეგნულად: შრიფტი ვერ არის კარგი; ნაცვითია და ზოგიერთი ნაწარმოები ახეილი გამოსულა. არც სარჩევი აქვს დართული. წიგნი პირველი კრებულა.

\* **„ჩიტ-ბელურა“ ხალხური ზღაპარი ლექსად სტეფანე ძიმისტარაშვილისა.** ტფილისში დაარსდა წიგნის გამომცემლობა „ნორჩი საქართველო“, რომელსაც მიზნად დაუსახავს საყმაწვილო წიგნების გამოცემა. სტეფანე ძიმისტარაშვილი გვარია აწ უკვე განსვენებული სახალხო მწერალი „კორტობასი“, წიგნში არის ნაკლი ცეზურისა და ენის მხრივ. მამავემის გონებისა და მესხიერებისთვის კი კარგად გათლილ ლექსს დიდი მნიშვნელობა აქვს.

\* **„ყვავი, ბუ და მელაკულა“** საყმაწვილო ზღაპარია. გამოცემულია ქუთაისში დავ. ღონდუას და ს. ჯაფარიძის მიერ. ასეთი ზღაპრები, რა თქმა უნდა, კარგია ბავშვებისათვის, მაგრამ ვარწმუნებ მის რეცენზენტებს [რომელთა აზრიც წიგნის გარე-კანზეა მოთავსებული] რომ ხსენებულ ზღაპრებს ენა არ უვარგა. საზოგადოთ საბავშვო წიგნებს ერთგვარი კონტროლი უნდა დაენიშნოს, რომ არ „წახდეს“ ენა ქართული. ბავშვის ტვინი დაუწყველი ქალაქი და „რაც კი ერთხელ სულს დააჩნდების, საშვილიშვილოდ გადაიციმის“. ამა რა ქართულია: „თვარა“, „აწი“, „გაიკვრიაკა“, „კედრით“, „გაკუტურავებულა“, „ძურწი“ და სხ..

\* **გ. ხეჩოაშვილი** შრომელ ხალხში, გარე-უბნებში ცნობილი მწერალია. მისი „დურგლიანთ ქორწილი“ „დიდმოურავიანი“ და „სიმონას თავგადასავალი“ დღესაც ახსოვს ყველას. წელს გამოვიდა მისი ახალი წიგნები: „ციცინათელა“, „რუიზანი“, „ოცი ძმა“. „ლუქანში“, და სხვა.

\* **სოფ. გლახაშვილის თხზულებანი.** წიგნი კარგ ქალაქზეა გამოცემული. დიდი ფორმატისაა, შეიცავს 313 გვერდს და ღირს 45 მან. წიგნში მოთავსებულია იგავები, ლექსები და პიესები. ავტორმა იცის ცხოვრების დაკვირვება. წიგნის ენა ხალხურია და ყოველ სტრიქონს სადაა და მარტივი. მის პიესებში საინტერესოა „ზორვად“ და „წყურვილი“, ეს უკანასკნელი სიმბოლიური ყაიდაზეა დაწერილი და 1910 წელს მთელი სეზონის განმავლობაში რამდენჯერმე დაიდგა ჩვენს სცენაზე.

\* **„წამების ჯვარზე“ ობოლი მუშისა.** გძელი პოემაა—აკაკის სტილით დაწერილი. ობოლი მუშა ცნობილია მუშათა მერსნებში. საჭიროა თავისებურობის ძიება და რითმის გრძნობათა შეგნება.

\* **„ჩვენი ცხოვრების სურათები“ ძუკუ ლოლუასი.** წიგნში მოთხრობილია სადათ ჩვენი ინტელექტუალის რაობა. ძუკუ ლოლუა ცნობილია როგორც მოსიყვარულე ლოტობარი დასავლეთ საქართველოს სიმღერებისა, ხოლო პროზაში კი პირველათ გვევლინება და უნდა ითქვას, რომ მის წიგნში მრავალი გულწრფელი და საღი იუმორია.

\* **თავუნა.** თავუნა ნიჭიერი იუმორისტი, პირველ წიგნში მოთავსებულია, რაც აქამდე გაბნეული იყო „ემმაკის მათხანში“. მისი ზოგიერთი ნაშრომი დაწერილია ავერჩენკოს სტილით. კარგია მისი „საბიბლიოგრაფიო ცნობები“, „ქართული თეატრი“ და „გ.სო აბაშიძის საათი“.

\* **„ღია წერილი სოლომონ ზურგიელიძეს“ ემმაკისა.** კარგი იმიტაციაა შოთასი. არის სუსტი ადგილებიც, მაგრამ შოთასაც ხომ აქვს ყალბი ადგილები. მე მგონია, რომ ბუნებით ნიჭიერმა ემმაკმა ეს განზრახ ჩაიდინა, რომ შოთასადმი იმიტაცია სავესებითი სავესედ გამოსულიყო.